

STORACLES OF PROPHECY

Mipite Sangin?

Matthew 26:31-75

Ta-ang Thu . . .

Peter in Zeisu it a, mipite phat ding zong ut hi. Nitak nunung annek laitakin Zeisu in na vekpi un kei nong nusia ding uh hi, ci-in agen ciangin Peter diangto in midang khempeuh in hong taisan zong un ken kong taisan ngeikei ding hi, ci-in kiciam hi. Zeisu in dawng kik a, "Tu zan ak akhuan ma-in thum vei nong nial ding hi." ci hi Aneu 34.

Peter in dawng thei mahmah kisa hi. Ahih hangin amah in a lungsim sungah kiphatsakna aom lam kiphawk kha lo hi. Tua zaan ciangin mihonpita in Zeisu man dingin hong pai uha, mihonpi muh iin, Peter in a namsau dok-a a Topa hon dingin hong kipan hi. Tua zawh nai tawmvei khitciangin Zeisu thu akisitna ah, Zeisu galte in Peter na zahko uha, Zeisu thei pipi mahin Peter in thum vei na nial hi. A kidot sial-in hangsan takin nial semsem a, amah leh amah akihamsiat dongin kiciam-in Zeisu nial hi (Aneu 74).

Tua khitciangin ak hong khuang hi. Zeisu pen thukhen zumah om-a acingte in asat laitak uhi. Peter in Zeisu kihei-a itna leh lainatna tawh a et lam hong mu a, tua in a lungsim tamzaansak hi. "Topa kihei a tangtakin Peter a en hi. Tua ciangin Peter in Jesu in ama tunga, "Tuni ak khuan ma-in thumvei nong kitheihmawhbawl ding hi," ci-a a gen a phawk hi. Tua ciangin amah a pualam

ah pusuaq-a kah cihtakin a kap hi." Luke 22:61, 62.

Tua ni-a kipan in Peter pen hong kikhel mahmah ta hi. Mipite lungdamsak ding hong ngaihsun nawnlo-in Pasion lungdamsak ding bek hong ngaihsun ta hi. Hong kikhel khitciangin Jews te thukhenna mai ah hong dingin, Zeisu thuhilh nonlo dingin kilausak-in, kitawngin, a kikat uh hangin, Peter in lau hetlo takin, "Mite thu sangin Pasion thu man ding kituak zaw hi." ci-in dawng hi Sawltaakte 5:29. Peter in a nuntaak sung tawntungin Zeisu a itna leh Zeisu tungah a cihtakna Roman Chamuk Nero mai-ah a Topa a nial kik ding sangin singlamteh tungah kibungbu khai ding teel zaw hi.



AMAZING FACTS

Thu Sinna

Laisiangtho na sim khitciangin a awng munte behlap in.

1. Pasion in Ama lamah ih pan leh ih pan loh bangci khensat hiam?

Matthew 7:21 Topa, Topa' hong ci khempeuh vantung gamah a _____ kim kei ding hi. Ahi hangin vantunga om ka Pa deihna banga _____ te bek a lut ding hi. (ZIV)

Romans 6:16 Mi khatpeuh tungah ama thu _____ dingin na kipiak uh ciangin ama thu na _____ pa uh sila na hi uh bangin, ... a thu na man pa uh sila na hilam uh thei lo na hi uh hiam. (ZIV)

Phawk Ding: Tu-a ih simte in, eite cihtakna pen a thu ih manna tungtawnin kikhensat hi cih hong telsak hi. Pasion nasem hing kici dingin, ih thuhilhna te daw kiang pan ahik kei leh leitung pan peuh ahik leh, ei leh ei akikhem ih hi hi.

2. Mihingte thupiak leh Pasion thupiak te hong kituah loh ciangin Peter in kua thu man zawk ding hi ci hiam?

Sawltaakte 5:29 Peter le sawltakpi dangte in, "Mihing thu sangin _____ thu ka man zawk pelmawh uh kul ding hi. (ZIV)

Phawk Ding: Peter hong kikhel khit Zeisu a it taktak ciangin, Jews te thukhenna mai ah a thu ka man masak ding bel Pasion hi ci-in gen hi. Ni nunungni ciangin sapi thukham leh Pasion thukham te kikal ah buaina hong om ding hi cih ih thei hi. Tu-in eite in—bangbang ih tuak ding zongin—Pasion thukham zuih ding ih tel ding kizam hi.

3. Pasion ih it takpi lam bang tawh lak thei pen ding ih hi hiam?

John 8:31 _____ nate na zuih paisuak nak uh leh ka nungzui taktakte na hi ding uh hi.

John 14:15 Kei na hong it uh leh ka thupiakte zong na _____ ding uh hi.

1 John 2:4 Amah ka thei hi, a ci mi in ama _____ a zuih kei leh zuauphuak hi-a, ama sungah thutak a om kei hi.

Phawk Ding: Mikhat in Zeisu a it takpi lam alakhkhat theihna ahoih penpen in Ama deih banga gamtat na hi-a, Pasion thukham pen Ama lunggullhna taktak kicingin hong lahkhiatna ahi hi (Late 40:8).

4. Zeisu genna tungtawnin, bang hangin mi simtatte in kibiakna zuisak uh hiam?

Matthew 6:2 Mite _____ ding a ut manun.

Matthew 6:5 Amaute in mite _____ theihtheih dingin

Phawk Ding: "Mihingte in apuatham bek en uha, ahik hangin Pasion in lungtang en hi," ci-in Laisiangtho in hong gen hi (1 Samuel 16:7). Christian gina taktak khat in leitung mite in kei hong bangci ngaihsut ding uh cih sangin Pasion in kei hong bangci ngaihsut ding cih a lunghimawh zawk ding ahi hi.

5. Mipi thukimna na zui lel leng a lungmuan huai lel diam?

Paikhiatna 23:2 Khialhna bawl dingin mihonpi nung na _____ un. (ZIV)

Matthew 7:13, 14 "Kong kawcik ah lut un. Ahang in, _____ a tun kongpi tanzau-in lampi zai-a mi _____ a lut hi. Ahi hangin nuntakna a tun kongpi neu a, lampi kawcik in mi tawmcik bek a lut hi. (ZIV)

1 Peter 3:20 Noah hunlai-a Pasion in thuak keekai-in a ngak, ... tua gunkuangpi sungah mi _____ bek, a vekun giat, tui tungtawnin _____ hi. (ZIV)

Phawk Ding: Mipi khensatna pen a tawntung phialin khial den hi, cih pen a piang taktak ta-angthu te in hong hilh tel hi. Moses suang tawh deng nuam a, Egypt gamah sila ahi kik nuam te zong mihonpi mah hi (Gamlakvakna 14:4-10). "Singlamteh tungah that in! that in!" ci a kiko te zong mihonpi mah hi (Luke 23:21). Ni tawpni cianga sapi ciaptehna ngah ding te zong—mi tawmkhacik te hilo-in—mihonpi mah hi ding hi (Mangmuhna 13:16).

6. Pasion thukhamte sangin mihingte ngeina te ih masak ciangin Zeisu in bangci ngaihsut hiam?

Mark 7:7, 9 Mite thukham ngeina ahilh uh a, _____ in kei hong bia uh hi. ... Na khanglui ngeina _____ na zuihtheihna dingun Pasion' thukhamte a nawlkhinzia na siam mahmah uh hi

7. Ni nunungni ciang Christian taktak te akipakta ding hiam?

Matthew 24:9 Keima hangin minam _____ in note hong _____ ding uh hi.

2 Timothy 3:12 Jesuh tawh kipawlin Pasion' _____ bangin a nungta nuam khempeuh in bawlsiatna a _____ ding uh hi.

Mangmuhna 12:17 Gul in numei tungah heh mahmah a, Pasion thukham tham loin Zeisu teci panna alen numei suante lak pan _____ lai te tawh _____ dingin a kuankhia hi.

Mangmuhna 13:15 Tua milim a bialo khempeuh a _____ theihna dingin thu a ngah hi.

Phawk Ding: Ni tawpni ciangin Satan leh a nungzuite in ahik theih tawp un Pasion tunga citak, Laisiangtho a um Pasion tate do ding uh hi.

8. Pasion thu leh mipite thu akisem khawm thei ding hiam?

Matthew 6:24 Kuamah in tonih na semkhawm thei lo hi. Khat _____ in khat a _____ hiam, khat belin a khat a simmawh hiam, khat zawsang hi ding hi. (ZIV)

Matthew 12:30 Kei hong pawlpihlo peuhmah keima _____ hi uh hi.

Phawk Ding: Zeisu leh Satan kikal kidona ah, kaingawi cih bang om thei lo hi. Akikal daai tungah tuangin en hithiat cih bang om thei lo hi. Zeisu tawh ih sepkhop kei leh dawmangpa a huhhuh ih hi hi.

9. Zeisu sangin ih innkuanpih, ih lawmte khatpeuh it zawk pen a lungmuan huai ding hiam?

Matthew 10:37 Kei sangin a _____ a pa a itzawte peuhmah kei adingin a cin kei hi. Kei sangin a tanu, a tapate a _____ te peuhmah kei adingin a cin kei hi. (ZIV)

Luke 14:26 Kei kianga hong pai mi khatpeuh in a nu, a pa, a _____ a tate le a sanggampate, a sang gamnute tham lo ama _____ nangawn a muhdah kei leh amah, kei nungzui a hi thei kei ding hi. (ZIV)

Matthew 12:50 Vantung a om ka Pa _____ a hih peuhpeuh ka sanggam-nu, ka saggampa le ka _____ ahi hi,” ci-in a dawng hi. (ZIV)

Phawk Ding: Zeisu hong genna ah ih it ih ngaih khat ih huh theih nading lampi hoih pen in ih nuntaakna sungah Zeisu it masak-a neih ding ahi hi. Ih masak pelmawh ding ahi—hong Honpa leh hong Bawlpa ding kimlai—ih innkuanpih te leh ih lawmte peuh ih masak tawntung kha mawh hi.

10. Zeisu sangin leitung hauhna, neih leh lamh te masak ding a pil vai hiam?

Matthew 16:26 Mi khatpeuh in hih _____ khempeuh a ngah hangin a nuntakna bulpi suplawh leh bang phattuamna om ahi hiam? A _____ bang tawh leikik thei nawn ding ahi hiam?

Luke 12:15 Mihing nuntakna pen _____ bucinna tawh a kim kei hi. (ZIV)

Phawk Ding: Lungnopna leh lungmuanna pen nasep hoihna leh na hoih te pan kingah hich upna pen kikhemna lianpi ahi hi. Ahih lohna, Zeisu in hong gen in ah, “Pasian’ ukna sungah mihau khat a lutding sangin phim bilvang sungah kalaoh khat a lutding baihzaw lai hi.” Mark 10:25.

11. Pasian in thumaan hong lah khit nungsang, Ama deihna man nop hetlohna pen a lungmuan huai ding hiam?

Hosea 4:6 Keima mite theihna neihlohna hanga _____ ahi hi. “Theihna _____ na hi manun ka siampite dingin kong nial hi; Pasian _____ thusim lo na hi manun kei zong na tate uh ka thusim kei hi. (ZIV)

Hebrews 10:26 _____ theihna i ngah _____ thei gegu pi mahin mawhna i bawl lai leh mawhnate biakpiak nading om nawn lo hi. (ZIV)

12. Thumaan thutak anial paisuak te hong bangci ding uh hiam?

2 Thessalonians 2:10-12 A _____ dingte a khem gitlohna namkimin hong pai ding hi. Amaute in _____ ding le a kihotkhiat ding a nial manun a mangthang uh hi. Hih thu hangin amaute in zuauthu a _____ nadingun Pasian in a vanglian lam pialsakna a puak hi, tua in, thutak um lo a, gitlohna nuam a sate khempeuh a

mawhpaih nading ahi hi. (ZIV)

John 3:19 Leitungah khuavak hong tungkhin napi-in a gamtatna uh _____ ahih manin leitung mite in khuavak sangin khuamial _____ zaw uh hi.

Phawk Ding: Zeisu in thumaan thutak hi (John 14:6), ci-in Laisiangtho in hong hilh hi. Thumaan sang maw nial cih limlim pen Zeisu sang maw nial cihna ahi hi.

13. Ni nunungni ciangin Pasian mite a bawlsia te in na hoih semin a kingaihsun ding uh hiam?

John 16:2 Note hong that mite pen Pasian’ _____ in a _____ ding uh hun hong tung ding hi.

14. Thumaan thei khin napi-a, zui nuam lo te Peter in bangci gen hiam?

2 Peter 2:21, 22 Tua bang mite in amaute tungah a kipia thu siangthote thei-in a _____ sangun thuman lampi a thei ngei _____ uh hi leh amau-a’ dingin hoihzaw thampek ding hi. Paunak-ah, “Ui in a luak nekik hi,” a cihna leh, “Vok a kisilsiang khit ciangin buannawng lak mahah _____ kik veve hi,” a kicihna thu, amaute tungah a piang ahi hi.

15. Zeisu nungzuihna ah mimal deihna nialna leh haksatna te aom mah hiam?

Luke 9:23 Mi khatpeuh in ka nung hong zuih nop leh amah leh amah _____ pelmawh dinga nisimin ama singlamteh kisuanin hong zuih kul hi. (ZIV)

16. Zeisu nungzuih ding khensatna sotto ahih kei leh dam ngaihsun lel na pen a lungmuan huai ding hiam?

Hebrews 4:7 Tu ni-in ama aw na _____ uh leh, na lungtangte uh khauhsak kei un. (ZIV)

Hebrews 2:3 Tua zahtaka thupi hotkhiatna thudon _____ lehang bang i ci suahtak zawh ding hiam? (ZIV)

2 Corinthians 6:2 _____ pen a hunhoih hi a, tuhun pen hotkhiat ni _____ hita hi.

Pasian ii aw na ngaih ding ahoih penpen hun in, na zak laitak hi-a, Pasian sawlbang man ding ahoih penpen hun in, hong lah laitak ahi hi. Mihingte in khensat hun ding tampi omlai le ee ci a kingaihsutna pen Satan in hong khemna dinga adeih pen thang hong siahna khat ahi hi. Pasian Khasiangtho hong sapna awlmawh kei leng, damdam-in dai ding hi cih pen dawh in thei hi. Mailam ah hunkhat teitei ciang bel Zeisu zuih ding mah hi aci mi simzawh loh awn tampite in a nuntaakna uh suplawh ding uh hi bang hang hiam cih leh tua “hunkhat” pen hong piang ngeilo ding hi.

17. Thumaan thutak sanna leh zuihna hangin bang hamphatna om hiam?

Late 119:165 Na thukham a itte in _____ lianpi nei uh a, bangmah in amaute a muktusak kei hi. (ZIV)

John 8:32 Tua ciangin thuman na thei ding uh a, tua thuman in note hong _____ ding hi

1 Peter 1:22 Thutak thu mangin no le no na _____ khin zo uh hi. (ZIV)

Phawk Ding: Thumaan thutak a sang leh a zui khempeuh te nuntaakna lungtang sungah genzawh loh lungmuanna, khamuanna, leh suahtakna om hi.

18. Zeisu in Peter kiangah bang thu thum vei tak dong hiam?

John 21:17 Zeisu in a thumveina dong leuleu a, “Johan’ tapa Simon aw, kei na hong _____ hiam?”

Phawk Ding: Itna ih neih ciangin ih lungsim pumpi leh ih hih theihna khempeuh Pasian deihna sungah hong kipum apsak ahih manin, hih Zeisu dotna pen a thupi mahmah dotna ahi hi. Zeisu na it hiam?

Nang Dawnna

Mawhna tawh kidim hih leitungah, thumaan thutak kipakta ngei hetlo dinga, mihonpi te in a tawntung phialin a nuam zaw lampi tawn ding uh hi. Ahih hangin Zeisu in na mawhna te hangin Ama nuntaakna hong kipiakkhiatna tawh genzawh loh Ama hong itna hong lak hi. Topa in na nuntaakna adingin gelna lianpi nei hi. Tua hang mahin nang tungah Ama thumaan thutak hong lak hi. Tu-in na lungsim khempeuh Amah pia a, ka Topa dingin Amah sang ta ning, Ama hong makaihna khempeuh ah zui ning cihna tawh Ama itna sungah na kihei nuam hiam?

DAWNNA: _____

Khalam Picin nading leh Na Khantoh nading Zom Paisuak In!

Hih Laisiangtho sinna thu te tungtawnin thupha na ngah hiam? Hih sinna te pen Amazing Facts pan-a kingah thei Laisiangtho sinna khen tampite lak pan khen khat bek hipan hi. Genkholna thu tawh kisai Thusinna ahih kei leh laibu, khui, leh video te na deihbeh, na theihbeh nop aom leh hih anuai-a tawh hong kizom in:

Amazing Facts, Inc.
P.O. Box 909
Roseville, CA 95678-0909
916-434-3880 phone